

Na osnovu člana 32. i člana 64. stav 1, tačka b, člana 70. stav 1,3 i 6. Zakona o javnim nabavkama („Službeni glasnik BiH“, broj 39/14), na Preporuku Komisije za nabavku broj:716-6.190-1/17 HH od 17.04.2017. godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

ODLUKU

o izboru najpovoljnijeg ponuđača

I

Usvaja se Zapisnik o ocjeni ponuda sa preporukom za dodjelu okvirnog sporazuma za javnu nabavku broj:716-6.191/17 HH od 17.04.2017. godine u postupku dodjele okvirnog sporazuma za nabavku štampanih obrazaca na papiru, i prihvata se preporuka Komisije za nabavke, da se okvirni sporazum zaključi sa ponuđačem:

PAMUK d.o.o. Sarajevo,

kao najbolje ocijenjenom ponuđaču

prema ponudi protokolisanj pod brojem:716-4.969/17 od 27.03.2017. godine, za ponuđenu cijenu od 6.069,00 KM bez uračunatog PDV-a, kao najbolje ocijenjenom ponuđaču, odnosno sa vrijednošću ponude sa uračunatim preferencijalnim faktorom domaćeg (10%) u iznosu od 5.462,10 KM, bez PDV-a.

II

Prijedlog okvirnog sporazuma dostaviti će se na potpis izabranom ponuđaču PAMUK d.o.o. Sarajevo, nakon isteka roka od 10 dana, računajući od dana kada su svi ponuđači obaviješteni o izboru najpovoljnije ponude .

III

Cijena ponude iz čl.1. ove Odluke, nakon provedene e-aukcije je umanjena za 31,12 % u odnosu na prvobitno ponuđenu cijenu izabranog ponuđača.

Procenat iz prethodnog stava će se obračunati kao rabat prilikom ispostavljanja faktura ili će se pojedinačne cijene prilikom fakturisanja umanjiti za navedeni procenat.

IV

Za realizaciju ove Odluke se zadužuje Komercijalna i Finansijska služba u preduzeću.

V

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama („Sl. glasnik BiH“ broj 39/14.).

VI

Ova Odluka objavit će se na web-stranici <http://www.vikze.ba/>, istovremeno sa upućivanjem ponuđačima koji su učestvovali u postupku javne nabavke.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 101-4.158/17 HK od 13.03.2017. godine.

Javna nabavka je provedena putem konkurentskog zahtjeva za dostavu ponuda, sa zaključivanjem okvirnog sporazuma sa jednim ponuđačem na period od 24 mjeseca.

Procijenjena vrijednost javne nabavke bez uračunatog PDV-a je 12.000,00 KM.

Dana 15.03.2017. godine na Portalu javnih nabavki, istovremeno sa objavljivanjem obavještenja o nabavci broj: 439-7-1-142-3-14/17, objavljena je i tenderska dokumentacija.

Poziv za preuzimanje tenderske dokumentacije broj: 713-4.158-2/17 HK od 15.03.2017. godine upućen je sljedećim ponuđačima:

1. PLANJAX Komerc d.o.o. Tešanj –Jelah
2. PLAN PLUS d.o.o. Zenica,
3. MELIGRAFPRINT d.o.o. Zenica,
4. Svjetlost BH print d.d. Sarajevo,

5. Paper star d.o.o. Zenica.

Na osnovu Izvještaja o preuzimanju tenderske dokumentacije od strane ponuđača od 29.03.2017. godine u 07:55 sati, utvrđeno je da su sljedeći ponuđači preuzeli tendersku dokumentaciju:

1. ekapija d.o.o.,
2. Grafičar,
3. Maxi Plus d.o.o. Tuzla,
4. Infostrim d.o.o.,
5. Paper Star d.o.o.,
6. MR Export –Import d.o.o.,
7. Exclusive d.o.o.,
8. Agencija Aligo,
9. MURIX d.o.o.,
10. GRAFIČAR d.o.o. Bihać,
11. BBS Europe,
12. Svjetlost –BH print d.o.o. Sarajevo,
13. PLANJAX KOMERC ,
14. PRIMAPROM d.o.o.,
15. GRIN d.o.o.,
16. ART MEDIA,
17. MELIGRAFPRINT d.o.o. Zenica,
18. PLAN. PLUS d.o.o.,
19. Pamuk d.o.o. Sarajevo,
20. KRAJINAGROUP d.o.o. Banja Luka,
21. ATLANTIK BB,
22. OFFICE PLUS BH d.o.o.,
23. Comesgrafika d.o.o. Banja Luka,
24. PROSPEKT d.o.o. Breza.

Komisija za nabavku imenovana je Odlukom broj: 101-1.672/16 MS od 11.01.2017. godine.

Komisija za nabavku je dana 17.04.2017. godine direktoru preduzeća dostavila Zapisnik o ocjeni ponuda broj: 716-6.191/17 HH od 17.04.2017. godine i Preporuku o izboru najpovoljnijeg ponuđača broj: 716-6.190-1/17 HH od 17.04.2017. godine, u postupku javne nabavke za nabavku štampanih obrazaca na papiru.

U postupku, prema Zapisniku o ocjeni ponuda, je utvrđeno da je Komisija za nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 11 (jedanaest),
- da je blagovremeno zaprimljeno 11 (jedanaest) ponuda,
- da nema neblagovremeno zaprimljenih ponuda,
- ukupno preuzeto tenderske dokumentacije od strane ponuđača sa Portala javnih nabavki 24 (dvadesetčetiri).

Polazeći od gore navedenih konstatacija, a shodno odredbama Zakona o javnim nabavkama, podzakonskim aktima, opštim aktima ugovornog organa i tenderskom dokumentacijom Komisija je ocijenila da:

U ponudi ponuđača Grafičar s.p. d.o.o. Doboj je ustanovljena računska greška u ukupnoj vrijednosti ponude. Zbog toga je Komisija dopisom broj: 716-5035-1/17 MZ od 04.04.2017. godine, uputila ponuđaču zahtjev za prihvatanje ispravke računске greške, tako da umjesto iznosa ukupne vrijednosti ponude od 36.084,00 KM, bez PDV-a, prihvati ispravku na vrijedost ukupne ponude u iznosu 36.076,00 KM, bez PDV-a.

Dopisom od 05.04.2017. godine ponuđač Grafičar s.p. d.o.o. Doboj je dostavio pismenu potvrdu protokolisanu pod rednim brojem: 716-5.612/17 u kojoj je dao saglasnost na ispravku računске greške. Ukupna vrijednost ponude navedenog ponuđača iznosi 36.076,00 KM bez PDV - a.

- Ponuđač Grafičar d.o.o. Bihać je dostavio ponudu u vrijednosti od 12.337,99 KM, bez PDV-a, koja prelazi procijenjenu vrijednost Odluke od 12.000,00 KM bez PDV-a za predmetnu nabavku.
- Ponuđač Grafičar s.p. d.o.o. Doboj je dostavio ponudu u vrijednosti od 36.076,00 KM, bez PDV-a, koja prelazi procijenjenu vrijednost Odluke od 12.000,00 KM bez PDV-a za predmetnu nabavku.
- Ponuđač Primaprom d.o.o. Banja Luka je dostavio ponudu u vrijednosti od 39.563,76 KM, bez PDV-a, koja prelazi procijenjenu vrijednost Odluke od 12.000,00 KM bez PDV-a za predmetnu nabavku.
- Ponuđač Planjax komerc d.o.o. Tešanj je dostavio ponudu u vrijednosti od 13.180,24 KM, bez PDV-a, koja prelazi procijenjenu vrijednost Odluke od 12.000,00 KM bez PDV-a za predmetnu nabavku.
- Ponuđač Comesgrafika d.o.o. Banja Luka je dostavio ponudu u vrijednosti od 13.687,68 KM, bez PDV-a, koja prelazi procijenjenu vrijednost Odluke od 12.000,00 KM bez PDV-a za predmetnu nabavku.

U skladu sa članom 66. Zakona o javnim nabavkama („Službeni glasnik BiH“ broj: 39/14) i člana 17. Uputstva za pripremu modela tenderske dokumentacije i ponuda („Službeni glasnik BiH“ broj: 90/14), Komisija za nabavku je dopisom broj:716-4.969-1/17 MZ od 03.04.2017. godine zatražila objašnjenje ponude od ponuđača PAMUK d.o.o. Sarajevo za neprirodno nisku cijenu ponude, iz razloga što je vrijednost njegove ponude za više od 50 % niža od prosječne cijene preostalih prihvatljivih ponuda.

Ponuđač Pamuk d.o.o. Sarajevo je dana 07.04.2017. godine dostavio objašnjenje za cijenu svoje ponude na protokol broj: 716-5.804/17 u kojem su naveli da zapošljavaju osobe sa invaliditetom i da većinu opreme i potrošnog materijala za digitalnu štampu nabavljaju zahvaljujući Fondu za profesionalnu rehabilitaciju i zapošljavanje osoba sa invaliditetom F BiH, pri čemu je navedeni Fond sufinasirer nabavke navedenog materijala. Pored toga navedeni ponuđač ističe da cilj njihovog rada nije ostvarivanje profita nego ostvarivanje socijalne komponente. S tim u vezi navode da u njihovu ponudu nisu ušli troškovi materijala potrebnog za izradu (papir i količina boje), dok doprinose za plate njihovih zaposlenika refundira navedeni Fond za profesionalnu rehabilitaciju, a neto iznose sufinasira putem novčanog stimulansa, tako da njihovu ponudenu ukupnu cijenu ne opterećuju troškovi plate uposlenih i troškovi materijala.

Ponuđač Pamuk d.o.o. Sarajevo je dostavio ponudu u vrijednosti od 8.811,20 KM, bez PDV-a. Ponuđač je, također, dostavio i Potvrdu od VTK BiH o preferencijalnom tretmanu domaćeg, a koju će ugovorni organ, u smisli čl. 67.ZJN i Odluke o obaveznoj primjeni preferencijalnog tretmana domaćeg (Sl. glasnik BiH broj: 103/14) uzeti u obzir prilikom ocjene ponuda, nakon provedene e-aukcije.

U ponudi ponuđača **Meligrafpri print d.o.o. Zenica** nakon provjere računске ispravnosti ponude, ustanovljeno je da ponuđač u Aneksu 1–Obrazac za cijenu ponude ukupan iznos ponude nije napisao slovima. Također, navedeni ponuđač nije naveo stavke u koloni 3 (proizvođač-zemlja porijekla) i koloni 4 (standard-kvalitet).

Obzirom na naprijed navedeno ponuda navedenog ponuđača se odbija kao formalno pravno nezadovoljavajuća na osnovu člana 68. tačka 4. stav (i) Zakona o javnim nabavkama.

Ponuđač **Svjetlost BH print d.o.o Sarajevo** u Aneksu 1–Obrazac za cijenu ponude nije naveo stavke u koloni 4 (standard-kvalitet).

Obzirom na naprijed navedeno ponuda navedenog ponuđača se odbija kao formalno pravno nezadovoljavajuća na osnovu člana 68. tačka 4. stav (i) Zakona o javnim nabavkama.

U ponudi ponuđača **GRIN d.o.o. Gračanica** nakon provjere računске ispravnosti ponude, ustanovljeno je da ponuđač u Aneksu 1–Obrazac za cijenu ponude ukupan iznos ponude nije napisao slovima.

U Aneksu 1. Obrazac za cijenu ponude u stavci br.1. nije dobro izračunat proizvod količine i jedinične cijene (umjesto ispravnog iznosa od 13.440,00 KM napisan je iznos 12.768,00 KM). Također, navedeni ponuđač nije naveo stavke u koloni 3 (proizvođač-zemlja porijekla) i koloni 4 (standard-kvalitet).

Obzirom na naprijed navedeno ponuda navedenog ponuđača se odbija kao formalno pravno nezadovoljavajuća na osnovu člana 68. tačka 4. stav (i) Zakona o javnim nabavkama.

Ponuđač **Paper star d.o.o. Zenica** nije Aneksu 1–Obrazac za cijenu ponude naveo stavke u koloni 4 (standard-kvalitet).

Obzirom na naprijed navedeno ponuda navedenog ponuđača se odbija kao formalno pravno nezadovoljavajuća na osnovu člana 68. tačka 4. stav (i) Zakona o javnim nabavkama.

Ponuđači Planjax komerc d.o.o. Tešanj, Comesgrafika d.o.o. Banja Luka, Pamuk d.o.o. Sarajevo, Grafičar d.o.o. Bihać, Plan Plus d.o.o. Zenica, Primaprom d.o.o. Banja Luka, Grafičar s.p. d.o.o. Doboj su dostavili formalno-pravno i tehnički zadovoljavajuće ponude, te je ugovorni organ, shodno odredbi čl.4. Pravilnika o načinu korištenja e-aukcije navedenim ponuđačima zakazao e-aukciju za dan 12.04.2017.godine, u terminu od 13:30 do 14:04 sati.

E- aukcija je održana u zakazanom terminu. Određeni učesnici e-aukcije su više puta mijenjali iznose svojih ponuda.

Konačne ponude, nakon završetka postupka e-aukcije su:

- PAMUK d.o.o.Sarajevo, ponuda u iznosu od 6.069,00, bez PDV-a.

- Planjax komerc d.o.o. Tešanj, ponuda u iznosu od 6.070,00, bez PDV-a.
- Comesgrafika d.o.o. Banja Luka, ponuda u iznosu od 6.092,00- KM, bez PDV-a.
- PLAN. PLUS d.o.o. Zenica, ponuda u iznosu od 10.988,08 KM, bez PDV-a.
- GRAFIČAR d.o.o. Bihać, ponuda u iznosu od 12.337,99KM, bez PDV-a.
- GRAFIČAR s.p. d.o.o. Doboj, ponuda u iznosu od 36.076,00 KM, bez PDV-a.
- PRIMAPROM d.o.o. Banja Luka, ponuda u iznosu od 39.563,76 KM, bez PDV-a.

Ponuđači Grafičar d.o.o. Bihać, Grafičar s.p.d.o.o. Doboj i Primaprom d.o.o. Banja Luka i nakon provedene e-aukcije premašuju procijenjenu vrijednost Odluke za ovu nabavku, a kako je to naprijed i obrazloženo, te se njihove ponude odbijaju na osnovu člana 68. stav 4, tačka (j), Zakona o javnim nabavkama.

U postupku ocjene provedenog postupka, Direktor preduzeća nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavku.

Naime, u postupku je ocijenjeno da je Komisija u svemu pravilno postupila te da je rangiranje ponuđača izvršeno u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Uvidom u priloženu dokumentaciju, nesporno je da je, primjenjujući kriterij „najniža cijena“, Komisija izvršila ocjenu prihvatljive ponude / ponuđača kako slijedi:

1. PAMUK d.o.o.Sarajevo,

sa ukupnom cijenom ponude od 6.069,00 KM bez uračunatog PDV-a, a koja sa uračunatim preferencijalnim faktorom (10%) iznosi 5.462,10 KM bez PDV-a,

2. Planjax komerc d.o.o. Tešanj,

sa ukupnom cijenom ponude od 6.070,00 KM bez uračunatog PDV-a.

3. Comesgrafika d.o.o. Banja Luka,

sa ukupnom cijenom ponude od 6.092,00 KM bez uračunatog PDV-a.

4. PLAN. PLUS d.o.o. Zenica,

sa ukupnom cijenom ponude od 10.988,08 KM bez uračunatog PDV-a.

te dala preporuku da se okvirni sporazum zaključi sa najuspješnijim ponuđačem **PAMUK d.o.o. Sarajevo** na period od 24 mjeseca.

Iz navedenih razloga, primjenom člana 32 i člana 64. stav 1. tačka b. Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.



v.d. Direktora:


Sečić Nedim, dipl.ing.maš.

DOSTAVLJENO:

- 1 x Direktor preduzeća
- 1 x Pom.dir.za ekon. i prav. posl.
- 1 x Pom.dir.za tehn.posl.
- 1 x Komercijalna služba
- 3 x Članovima Komisije
- 1 x Sekretar Komisije
- 1 x a/a